



**REPUBLIKA E SHQIPERISË**  
**MINISTRIA E TURIZMIT DHE MJEDISIT**  
**AGJENCIA KOMBËTARE E MJEDISIT**  
**DREJTORIA E VLERËSIMIT TË IMPAKTIT DHE LIÇENSIMIT**

AN160720220001

Tiranë, më: 14.09.2022

Komisioni 61

**DEKLARATË MJEDISORE**

Në zbatim të Ligjit nr. 12/2015 “Për disa ndryshime në ligjin nr. 10440, datë: 07.07.2011, “Për Vlerësimin e Ndikimit në Mjedis”, VKM 714, datë: 06.11.2019, për disa ndryshime dhe shtesa në VKM nr. 686, datë 29.7.2015 “Për miratimin e rregullave, të përgjegjësisë e të afateve për zhvillimin e procedurës së vlerësimit të ndikimit në mjedis dhe procedurës së transferimit të vendimit e deklaratës mjedisore” dhe me propozim të Agjencisë Kombëtare të Mjedisit, Ministri.

**VENDOSI:**

Lëshimin e Deklaratës Mjedisore për Zhvilluesin me të dhënat si më poshtë:

**Person Juridik:** “NITROBLAST” sh.p.k.

**Nr. NIPT-i:** L52610001E

**Adresa e selisë:** Berat, Ura Vajguore, Fshati Pashalli, lagjja "Qender", rruga e Bistrovices, godine nje kateshe nr.15, ZK nr.2881, me nr.pas. 510/2

**Person përgjegjës:** Leonora Llupo

Për të zhvilluar projektin: **“Projekti i ndërtimit të linjës së prodhimit të ANFO-s dhe objekteve ndihmëse në funksion të aktivitetit”.**

Aplikimi është bërë referuar ligjit Nr. 10 440, datë 7.7.2011 “Për Vlerësimin e Ndikimit në Mjedis”, Shtojca I, “Projektet që i nënshtrohen Proçedurës së Thelluar të Vlerësimit të Ndikimit në Mjedis”, Pika 6. Instalime të integruara kimike, domethënë instalime për prodhimin në shkallë industriale të substancave që përdorin proceset e shndërrimit kimik, ku shumë njësi janë vendosur përballë njëra-tjetrës dhe janë të lidhura funksionalisht me njëra-tjetrën për: dh) për prodhimin e eksplozivëve

**Vendndodhja:** në pronën me Numer Pasurie 510/7, Zona Kadastrale Nr. 2881, Pashalli, Bashkia Dimal, Qarku Berat

**Të dhënat teknike:**

Sipërfaqja e përgjithshme e pronës: 20 000 m<sup>2</sup>;

Kapaciteti i prodhimit të ANFO-s: 3 Ton/orë.

*(Bashkangjitur vendimit, ANEKSI 1 me hartën topografike dhe koordinatat metrike, ku tregohet vendodhja e objektit)*

Bazuar në nenin 11 të Ligjit Nr. 10440, datë 7.7.2011 “Për Vlerësimin e Ndikimit në Mjedis” i ndryshuar, më poshtë po listojmë:

Miratimi i lejes/licencës së zhvillimit të atij projekti, me kushtet që duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis;

Bazuar në pikën 2, të nenit 12, të ligjit nr. 10440, datë 7.7.2011, “Për vlerësimin e ndikimit në mjedis”, të ndryshuar, më poshtë po listojmë:

### **1. Qëndrimin e Ministrisë dhe sipas rastit, kushtet që duhet të përmbushen nga zhvilluesi:**

Drejtoritë Teknike të Ministrisë shprehën:

Në zbatim të legjislacionit përkatës për fushën e cilësisë së ajrit në mjedis, sugjerohet që gjatë fazës së punimeve, të mbahen në konsideratë rekomandimet e mëposhtme:

- Të respektohen normat e lejuara të shkarkimeve në ajër të ndotësve të gaztë dhe lëndës së ngurtë pezull, në zbatim të VKM-së nr. 435, datë 12.9.2002 “Për miratimin e normave të shkarkimeve në ajër në Republikën e Shqipërisë”;

- Të spërkatet rregullisht me ujë sheshi i ndërtimit dhe rrugët e transportit, për mbajtjen nën kontroll të pluhurformimit, si dhe forcimin e zbatimit të këtyre masave edhe më shumë në kohën e thatë dhe me erë, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit”;

Në zbatim të legjislacionit përkatës për fushën e menaxhimit të kimikateve, sugjerohet që gjatë fazës së punimeve si dhe gjatë fazës së funksionimit, duhet të mbahen në konsideratë rekomandimet e mëposhtme:

- Subjekti dhe punonjësit duhet të jenë të familjarizuar dhe të respektojnë në mënyrë rigoroze masat dhe rekomandimet për mbrojtjen, sigurinë e njeriut dhe mjedisit, nga kimikatet që do të përdoren për qëllime të këtij aktiviteti, në zbatim të ligjit nr. 27/2016 “Për menaxhimin e kimikateve”;

- Kimikatet që do të përdoren për prodhimin e lëndës plasëse duhet të jenë të klasifikuara, etiketuara, paketuara dhe të shoqërohen me dokumentacionin me të dhënat e sigurisë kimike (MSDS), sipas kërkesave të legjislacionit në fuqi (VKM-së nr. 488, datë 29.6.2016 “Për klasifikimin, etiketimin dhe ambalazhimin e kimikateve”, si dhe VKM-së nr. 9, datë 9.1.2019 “Për rregullat e detajuara dhe metodat për kryerjen e vlerësimit të sigurisë së kimikatit, si edhe kërkesat specifike, përmbajtja dhe formati i dokumentit me të dhënat e sigurisë”);

- Kimikatet që do të përdoren për prodhimin e lëndës plasëse, duhet të ruhen dhe menaxhohen në mënyrë të sigurt, në zbatim të ligjit nr. 27/2016 “Për menaxhimin e kimikateve”

Në zbatim të legjislacionit përkatës për fushën e ndryshimeve klimatike, rekomandohet:

- Të krijohen hapësira të gjelbra në zonën përreth.

- Të bëhet vetëmonitorimi i emetimeve që shkarkohen nga zhvillimi i procesit, deri në miratimin e rregullores për “Monitorimin, Raportimin dhe Verifikimin e shkarkimeve.

Lidhur me bazën ligjore të cituar në raportin e VNM-së, shprehem si më poshtë vijon:

Ligji i cituar në raport nr.8897/2002 “Për mbrojtjen e ajrit nga ndotja” është shfuqizuar dhe aktualisht është në fuqi ligji nr. 162/2014 “Për mbrojtjen e cilësisë së ajrit në mjedis”, i cili shoqërohet me disa akte nënligjore të dala në zbatim të tij.

Vihet re se në këtë raport nuk është cituar ligji aktual në fuqi nr. 155/2020 “Për ndryshimet klimatike” si dhe ligji nr. 27/2016 “Për menaxhimin e kimikateve”.

- Sygjerojme që gjate fazes se implementimit te projektit te zbatohen detyrimet e aktet te poshte shenuar. Te merret mendimi i AKZM, per projektin.
- VKM nr 575 e dt. 26/05/2015.
- VKM nr.177, datë 06.03.2012 “Për ambalazhet dhe mbetjet e tyre”.
- VKM Nr. 99, Datë 18.02.2005 “Për miratimin e katalogut shqiptar të klasifikimit të mbetjeve”.
- VKM nr. 765, datë 07.11.2012 “Për miratimin e rregullave për grumbullimin e diferencuar dhe trajtimin e vajrave të përdorura”.
- VKM nr. 229, datë 23.04.2014 “Për miratimin e rregullave për transferimin e mbetjeve jo të rrezikshme dhe informacionit që duhet të përfshihet në dokumentin e transferimit”.
- VKM nr.371, datë 11.06.2014 “Për miratimin e rregullave për dorëzimin e mbetjeve të rrezikshme dhe të dokumentit të dorëzimit të tyre”.
- VKM nr.387, date 06.05.2015 “Për rregullat për kontrollin e asgjësimit të PCBve/PCT-ve, çndotjen po asgjësimit e pajisjeve që përmbajnë PCB/PCT dhe/ose asgjësimit e mbetjeve të PCB-ve/PCT-ve të përdorura”.
- VKM nr.687, date 29.7.2015 “Per miratimin e rregullave per mbajtjen, perditesimin dhe publikimin e statistikave te mbetjeve”
- VKM nr.418, datë 25.06.2014 ”Për grumbullimin e diferencuar të mbetjeve në burim”.
- Ligji nr 10463, dt. 22/09/2011, “Per Menaxhmin e Integruar te Mbetjeve” I ndryshuar.
- Ligji nr. 9587, date 20.7.2006 “Per mbrojtjen e biodiversitetit”, i ndryshuar;
- Ligji nr. 10006, date 23.10.2008 “Per mbrojtjen e faunes se eger”, i ndryshuar;
- Sa i takon sektorit të cilësisë dhe pastërtisë së mjedisit sugjerojmë që subjekti gjatë zhvillimit të aktivitetit ti përmbahet legjislacionit në fuqi në lidhje me zhurmat.

*Agjencia Kombëtare e Zonave të Mbrojtura:* Bazuar në planvendosjen dhe koordinatat e aplikimit, sipërfaqja ku do të zhvillohet aktiviteti “Projekti i ndërtimit të linjës së prodhimit të ANFO-s dhe objekteve ndihmëse në funksion të aktivitetit”, me vendndodhje Berat, me zhvillues “NITROBLAST” sh.p.k dhe aplikues “STUDIOPROJEKT” sh.p.k me nr. Aplikimi AN160720220001, nuk ndodhet brenda rrjetit të zonave të mbrojtura.

*Agjencia Rajonale e Mjedisit,* Nisur nga dokumentacioni i ardhur pranë ARM Berat-Elbasan-Korçë dhe nga verifikimi ne terren, shprehem i parimisht dakort që subjekti të vazhdojë procedurat e mëtejshme.

## **2. Informacion për procesin e realizuar të konsultimit me publikun:**

Konsultimi me publikun: morën pjesë përfaqësues nga komuniteti i zonës, përfaqësues nga Pushteti Vendor nga Drejtoria Rajonale e Mjedisit dhe përfaqësues nga studio mjedisore. Nuk pati ndonjë shqetësim nga komuniteti për zhvillimin e këtij aktiviteti. Në takim është prezantuar projekti, janë dëgjuar sugjerimet e pjesëmarrësve, të cilat do të merren parasysh nga ana e investitorëve, gjatë kohës së shfrytëzimit. Nga ana e investitoreve iu sigurova të pranishmeve që do të merren të gjitha masat për eliminimin e ndikimeve negative në mjedis, duke mos cënuar jetën e banorëve.

## **3. Arsyet dhe konsideratat kryesore, ku është mbështetur mendimi**

- Në mendimet e institucioneve të konsultuara
- Në mendimin e anëtarëve të Komisionit 61, datë 14.09.2022, për dhënien me kushte të kësaj deklarate, mbështetur në Urdhërin nr.106, datë 19.05.2022, “Një ndryshim në Urdhërin nr.75, datë 13.06.2022, për “Krijimin e komisionit teknik për shqyrtimin e kërkesave që i nënshtrohen procedurës paraprake dhe të thelluar të vlerësimit të ndikimit në mjedis”.
- Subjekti disponon keto dokumenta ligjore:

1. Licence importi per lende plasese per perdorim civil.
  2. Vendimi nga AKSEM per ndertimin e depove te ruajtjes se lendeve plasese per perdorim civil.
  3. Miratim depo nga Ministria e Brendshme, Komisariati i Policise Berat per magazinimin e lendeve plasese per perdorim civil.
  4. Çertifikate e Mbrojtjes nga Zjarri
  5. Dokument pronesie
  6. Kontrate Qeraje
- 4. Përshkrimin, sipas rastit, të masave kryesore që duhen marrë për të shmangur, reduktuar e nëse është e mundur, për të korrigjuar efektet negative të rëndësishme:**
    - 4.1 Ky objekt të ndërtohet në përputhje të plotë me Planin e Përgjithshëm Vendor dhe Planin e Detajuar Vendor, të miratuar nga organet kompetente (KKT / Bashkia / Njësi Administrative) dhe akteve ligjore dhe nënligjore në fuqi.**
    - 4.2 Ky vendim nuk është leje zhvillimi përfundimtare për zbatimin e këtij projekti, por është një dokument i cili lëshohet me kusht që në rast se do të zhvillohet ky aktivitet, duhet të zbatohet kushtet e vendosura si detyrim që vjen nga Ligji Nr. 10431, datë 9.6.2011 “Për Mbrojtjen e Mjedisit”, si dhe Ligji nr. 10 440, datë 07.07.2011 “Për Vlerësimin e Ndikimit në Mjedis”, të ndryshuar, KREU I, Neni 1, Pika a); KREU II, Neni 7, Pika 1; KREU V, Neni 20, Pika 1.**
    - 4.3 Aktiviteti të zhvillohet vetëm brenda sipërfaqes dhe koordinatave të kërkuara në aplikim.**
    - 4.4 Kjo Deklaratë nuk është e vlefshme nëse subjekti nuk merr lejet dhe licensat përkatëse për Linjën e prodhimit ANFO, në bazë të Ligjit Nr. 74/2021 “PËR HEDHJEN NË TREG DHE MBIKËQYRJEN E LËNDËVE PLASËSE PËR PËRDORIM CIVIL”.**
    - 4.5 Kjo Deklaratë është e vlefshme vetëm për fazën e instalimit dhe jo të funksionimit**
    - 4.6 Subjekti të marrë masa për sigurimin e infrastrukturës së nevojshme për zhvillimin e aktivitetit.**
    - 4.7 Subjekti duhet të trajtojë stafin me qëllim përballimin e emergjencave**
    - 4.8 Të vendoset sinjalistika paralajmëruese përgjatë gjithë segmentit të punimeve me qëllim shmangien e aksidenteve njerëzore.**
    - 4.9 Të respektohet norma e shkarkimeve në ajër sipas VKM Nr. 435, datë 12.9.2002 “Për miratimin e normave të shkarkimeve në ajër në Republikën e Shqipërisë”.**
    - 4.10 Të kontrollohen kushtet teknike të mjeteve të punës në mënyrë periodike për të evituar, parandaluar rrjedhjet e lubrifikantëve e të hidrokarbureve në mjedis, emetimin e gazeve të shkaktuara nga avari teknike të mjeteve të subjektit.**
    - 4.11 Të respektohet distanca nga rruga, gjatë fazës së instalimit dhe funksionimit, sipas legjislacionit në fuqi.**
    - 4.12 Përdorimi i pajisjeve, automjetet, që emetojnë nivele zhurmash brenda normave të lejuara të emetimit 60 – 100 db.**
    - 4.13 Subjekti të realizojë në mënyrë të menjëhershme çdo ndërhyrje teknike për të riparuar çdo fenomen negativ në mjedis si pasojë e veprimtarisë së tij.**
    - 4.14 Në raste aksidentesh ose defektesh teknologjike që shkaktojnë ndotje të mjedisit, subjekti menjëherë duhet të jap informacion në DRM-në e qarkut përkatës dhe AKM, të cilat bëjnë të mundur njoftimin e popullatës që preket nga aksident.**
    - 4.15 Të mbillen pemë në të gjithë perimetrin e zonës për të minimizuar ndikimet në mjedis dhe përmirësuar pejsazhin.**

- 4.16** Subjekti të kujdeset për menaxhimin e mbetjeve të krijuara gjatë fazës së instalimit, pra mbetjet inerte, duke i transportuar në mënyrë të rregullt në vend grumbullimet e caktura nga njësia vendore. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 "Për miratimin e kërkesave për menaxhimin e mbetjeve inerte".
- 4.17** Subjekti të respektojë kushtet lidhur me emetimet në ajër, shkarkimet e ujërave të ndotura, menaxhimin e mbetjeve etj.
- 4.18** Kompania duhet të respektojë gjithashtu sugjerimet e vendosura në raportin e VNM-së të aplikuar si dhe Ligjin Nr. 10 431, datë 9.6.2011 "Për Mbrojtjen e Mjedisit".
- 4.19** Kapanoni i shkarkimit të mbetjeve dhe seleksionimit fillestar të jetë i shtruar me shtresa izoluese dhe fibra të posatshme që nuk lejojnë depërtimin në shtresat e tokës.
- 4.20** Trajtimi i mbetjeve në impiant të bëhet në një kohë sa më të shkurtër të mundshme duke ulur kohën e ekspozimit të tyre ndaj agjentëve të mjedisit
- 4.21** Ujërat e ndotura të gjitha kategorive të kapen e trajtohen në një impiant të posatshtëm që do të jenë pjesë e projektit.
- 4.22** Subjekti të mbajë regjistër për sasinë e mbetjeve të trajtuara dhe të raportojë të dhënat çdo 6 muaj pranë Drejtorisë Rajonale të Mjedisit të qarkut përkatës.
- 4.23** Kapanoni dhe zona operationale të kenë sistem të mbledhjes së ujërave sipërfaqësore dhe orientimin e tyre në impiantit e trajtimit të ujërave të ndotura
- 4.24** Të merren masa për sigurimin teknik në ambientet e kompanisë, të bëhet sistemimi ajrosja e ventilimi i ambientit.
- 4.25** Transportimi dhe trajtimi i mbetjeve të kryhet vetëm nga subjekte të licensuara.
- 4.26** Grumbullimi, transportimi, i mbetjeve të kryhen nga organet kompetente shtetërore, personat juridikë publikë, si dhe personat fizikë apo juridikë privatë, që janë pajisur me lejen përkatëse për ushtrimin e kësaj veprimtarie
- 4.27** Para fillimit të procesit të punës subjekti duhet të hartojë një plan për administrimin e mbetjeve i cili duhet të rifreskohet çdo tre vjet.
- 4.28** Të bëhet trajnimi i personelit nga personel të certifikuar, për marrjen e të gjitha masat e nevojshme të sigurisë;
- 4.29** Sipas rregullores së brendshme për administrimin e mbetjeve, mbetjet duhen magazinuar të ndara nga njëra-tjetra, sipas kodeve të tyre.
- 4.30** Në rast se në vendin e stacionimit apo gjatë transportit, mbetjet e rrezikshme në mënyrë të vullnetshme apo të pavullnetshme, përzihen me mbetje të parrezikshme, këto mbetje më pas duhet të trajtohen si mbetje të rrezikshme.
- 4.31** Të tregohet kujdes për sigurinë e kontejnerëve, të parandalohen rrjedhjet, të sigurohet mbrojtja nga uji, shiu dhe era, si dhe të shmangen kushtet e inkubimit mikrobik dhe/ose të dekompozimit të tyre.
- 4.32** Në zonën e magazinimit të kontejnerëve me mbetje duhet të ndalohet hyrja e personave të paautorizuar. Zonat e magazinimit duhet të kenë shenja paralajmëruese në dyert hyrëse, porta ose kapakë. Në zonën e magazinimit nuk duhet të lejohet hyrja e kafshëve dhe elementeve natyrore dhe të parandalohet krijimi i vendeve të shumimit ose burimit të ushqimit për brejtësit ose insektet. Ato, gjithashtu, duhet të jenë të rrethuara.
- 4.33** Duke qënë se gjatë fazës së funksionimit, ky aktivitet do të ketë efekte në mjedis, në bazë të Ligjit nr. 60/2014 datë 19.6.2014, "Për një ndryshim në ligjin nr. 10448, datë 14.7.2011, "Për Lejet e Mjedisit", të ndryshuar, Shtojca I, duhet t'i nënshtrohet procedurave për paisje me Leje Mjedisore.

#### 4.34 Përvec zbatimit të kushteve të vendosura në deklaratë, subjekti duhet të paraqesë në dosjen e aplikimit për Leje Mjedisore edhe:

- Planin e përballimit të emergjencave dhe mbrojtjes nga zjarri
- Kontratat, vendimet, miratimet nga institucionet përgjegjëse për zhvillimin e këtij aktiviteti

#### 5. Monitorimi dhe Raportimi

Në bazë të Ligjit Nr. 128/2020 Për disa ndryshime dhe shtesa në Ligjin Nr. 10440, datë: 07.07.2011, “Për Vlerësimin e Ndikimit në Mjedis”, të ndryshuar, Neni 25/1 “Monitorimi dhe vlefshmëria”, zhvilluesi ka detyrimet si më poshtë:

##### - Zhurma dhe Vibracionet

- Të zbatohen nivelet kufi të zhurmës, referuar Udhëzimit Nr. 8, date 27.11.2007 “Për nivelet kufi të zhurmave në mjedise të caktuara” dhe Ligjit Nr.9774 date 12.07.2007 “Për vlerësimin dhe administrimin e zhurmës në mjedis”
- Të merren masa për mbrojtjen e punonjësve nga zhurmat.
- Të merren masat për kufizimin e orareve të punës në kantier.
- Operatori duhet të parandalojë gjenerimin e zhurmës impulsive në zonat e ndjeshme ndaj zhurmës, gjatë operimit të instalimeve.
- Vibrimet në vende të ndjeshme nuk duhet të kalojë 10 mm/s (PPV) në çdo kohë.
- Të bëhet monitorimi i zhurmave për mjediset: automjete/kamiona në hyrje të kantierit, kantier ndërtimi dhe mjedisi urban më i afert me kantierin çdo 6 muaj.

Tabela e niveleve kufi:

Mjedisi	Vlera kufi e zhurmës dB(A) Leq, T Ditë	Vlera kufi e zhurmës dB(A) Leq, T Mbrëmje	Raportimi në AKM	Periodiciteti
Automjete/kamiona ne hyrje te kantierit	55	45	15.03.2022	Çdo 6 muaj
Kantier ndertimi	55	45	15.03.2022	Çdo 6 muaj
Mjedisi urban me i afert me kantierin	55	45	15.03.2022	Çdo 6 muaj

##### - Shkarkimet në Ajër

- Të zbatohen nivelet kufi të shkarkimeve në ajër, referuar Ligjit Nr. 162/2014 “Për Mbrojtjen e Cilësisë së Ajrit në Mjedis” dhe VKM Nr. 248, datë: 24.03.2003 “Për Miratimin e Normave të Përkohshme të Shkarkimeve në Ajër dhe Zbatimin e tyre”.
- Shkarkimet në ajër të jene brenda normave të lejuara, duke marre masa për reduktimin e tyre.
- Kantieri në të cilin emetohen lëndë grimcore në ajër, duhet të pajiset sipas mundësive teknike dhe mbi bazën e natyrës së procesit, me rrjeta uji / sisteme spërkatje / sisteme heqje pluhurash.
- Të bëhet monitorimi i nivelit të pluhurave në ajër, për mjediset: kantier ndërtimi dhe mjedisi urban më i afert me kantierin çdo 6 muaj.



*Tabela e niveleve kufi*

<b>Ndotësi</b>	<b>Përqëndrimi</b>	<b>Raportimi në AKM</b>	<b>Periodiciteti</b>
Lënda grimcore (PM <sub>2.5</sub> )	20-25 µg/m <sup>3</sup>	15.03.2022	Çdo 6 muaj
PM <sub>10</sub>	50 µg/m <sup>3</sup> 40 µg/m <sup>3</sup>	15.03.2022	Çdo 6 muaj

**- Cilësia e ujrave**

*Parametrat që duhet të monitorohen*

<b>Ndotësi</b>	<b>Përqëndrimi</b>	<b>Raportimi në AKM</b>	<b>Periodiciteti</b>
Lëndët në pezulli	50 mg/l	15.03.2022	Çdo 6 muaj

- **Subjekti duhet të sjellë pranë AKM-së si më poshtë:**
- Informacion në momentin e fillimit të punimeve
- Raportimin periodik për parametrat që do të monitorohen sipas datës së raportimit / çdo 6 muaj.
- Informacion në përfundim të punimeve, lidhur me punimet rehabilituese të territorit përreth, shoqëruar edhe me foto.
  
- **Afati i Vlefshmërisë**
- Deklarata Mjedisore për projektin e propozuar është e vlefshme për aq kohë sa është i vlefshëm edhe dokumenti i miratimit të zhvillimit për projektin.
- Nëse projekti, që i është nënshtruar procesit të VNM-së, nuk fillon zbatimin në terren brenda 2 vjetëve nga data e miratimit të deklaratës mjedisore apo të vendimit për VNM-në paraprake, atëherë këto dokumente konsiderohen të pavlefshme dhe procesi i VNM-së fillon nga e para.

*Në bazë të udhëzimit të MM dhe MF nr. 7938, datë 17.7.2014 “Për përcaktimin e tarifave dhe vlerave përkatëse për shërbimet që kryen Ministria e Mjedisit për procesin e VNM-së”, ky subjekt ka kryer pagesën 50.000 lekë.*

**DREJTORI I PËRGJITHSHËM**

**ARTA DOLLANI**

**MINISTRI**

**MIRELA KUMBARO FURXHI**

*Konceptoi:*

*Pranoi:*

**Aneksi 1. Harta me koordinatat**

